

Juan Chabaya 'Padu' Lampe, nos tata di cultura



Awe un Señor di 83 aña cu te ainda ta forma un parti masha importante di e desaroyo cultural di Aruba. Aruba completo conoce como Padu del Caribe, su nomber completo ta Juan Chabaya Lampe. E personahe sumamente balioso pa e cultura Arubano, ta co autor di nos Himno, esta 'Aruba Dushi Tera'. Un tremendo artista den diferente faseta di arte pero cu sigur a destaca pa añanan den e mundo di musica. Padu a yega di compone y alegra masha hopi cancion cu te dia di awe ta wordo canta pa grandi y chikito y cu ta duna tur hende recuerdonan

masha dushi mes. Ken lo por lubida e cancion 'Abo so' cu ta manera un di dos himno pa nos isla. E shon di hende aki a haci un influencia masha grandi mes riba e desaroyo di nos cultura Arubano. Como persona semper servicial y cla pa conta e historia y desaroyo di e cultura musical di Aruba. Padu a wordo reconocipareino Hulandes dos biaha ya cu e tin e titulo di 'Ridder van Oranje Nassau' y tambe 'Officier van de Oranje Nassau'. For di e pueblo di Aruba Padu a ricibi e titulo di 'Tata di nos Cultura' un trabou cu te dia di awe ainda e ta eherce cu masha honor, dedicacion y placer.